

Puäzzhåaid vuäittmõõžž da va'žžtõõzz õlmmsa mädd- da meä'cctäällministeria ää'v ne'ttkõjldõõzzâst

*Mädd- da meä'cctäällministeria lij tä'bbe õlmstättam mõõnni čõõuč jä'rjstum puäzzkõjldõõzz va'sttõõzzid. Va'sttõõzzi mie'ldd pukin jeännmõsân miârkteei va'žžtõõzz puäzzhåiddma šõõddad puõccui kuäivvmõš da palggmõš leigga âalda aazztõõzz. Seämmast kõjldõs čuä'jti puäzztääll miârktõõzz maatkcummsa da tá'vv-
vuudi jie'llemviõkkvuõ'tte.*

Pukid ää'v ne'ttkõjldõs karttii beä'l vâlddmõõžžid puäzzhåiddam da tõn o'hjjeem pirr da tõõzz vuäžžu pâ'jjel 3300 va'stõssâd. Veiddsõs vuässõõttmõš puu'ti ou'dde sagstõõllâmaa'sšid puäzzhåiddam pirr. Vuäittmõõžžid da va'žžtõõzzid kommentõ'ste jiännai.

Kõjldõ'sse va'stee'ji mie'ldd puäzzhåaid tää'rkmõs vuäittmõõžžid vuõ'i'ne nääi't:

- jeä'lstõs turiistid da kie'ssi tuejjei maatkcummsäst
- puõccuvue'žž da puõccuvue'žžest vuäžžmest âarrai valmštõõzz lie samai jii'jjesnallšem da šlaaj beälest reggaz
- puäzztääll vie'kkat tâä'vest pâädjâlstemvuu'di jie'llemviõkkvuõd.

Kõjldõõzz mie'ldd pukin šoormõs va'žžtõõzz beä'lstes le'jje:

- puõccui kuäivvmõš da palggmõš leigga âalda aazztõõzz
- trafikkpää'rt, koin puõccu le'jje vue'ssbie'lle
- pirrõõzz keäll'jummuš, mâ'te puäzzjânmi u'rvvjõõvmmõš da ääim-muuttâs

Ää'v ne'ttkõjldõs čuä'jat ää'sšest perstee'ji beä'l vâlddmõõžžid, leša tõt ij uu'd statistiikk lânji ka'tti data. Õõlmâs kõjldõ'sse pâstt va'stteed anonymân, kuä'ss tää'ssteaddsaž vää'ldee'lm ij vuei't ainsmâ'tted.

Ķiõ'rğğes juätkktoimmân ärvvtõõllâmlu'vddkââ'dd muuttâs

Mädd- da meä'cctäällministeria vuäžž kõjldõõzzâst šiõgg vuâd juätkktoõjju da lää'jjseättmõõžž ooudâsviikkma. Ministeria ärvvtâäll puäzzhåiddamlää'jj obbvuođ, koozz ko'le še jââ'ttmen âarrai puäzzjânmi šlaaj kuõskki tu'tkķeemha'ņķķõs, jeällpuõcci ođđ jâännmõsmeä'r piiijmõš di jie'rbi mie'ldd alggmeerai vuõiggâdvuođ.

Lâä'ssen ministeriast lij alggum valmštõõllâd puäzzhåiddamlää'jj meâldlaž ärvvtõõllâmlu'vddkââ'dd muttâz. Jee'rab lää'kkha'ņķķõõzz jâ'tt'tet ju'n joo'tti halltõspââ'jest da tõn viiggât čõõđ jâ'ttlõs äi'ğğtaaulâst.

Muttsivui'm lij mie'rr čičlgted puõcci šõõddtem häaitai ärvvtõõllmõõžž da ko'rvveemreeidai čou'ddem čuõlmid."

Ne'ttkõjldõõzz õ'htekeässmõš ([liḡkk](#))

Lââ'ssteâđ mädd- da meä'cctäällministeriast:

sagstõõlli ve'rggnek Tapani Sirviö t. 0295 16 2077 (puäzžhåaid o'hjjummuš)

lää'jjisiõtteemduumšek Johanna Wallius t. 029516 2244 (ärvvtõõllâmlu'vddkåå'dd kuõskki lää'jjseâttmõš)

etunimi.sukunimi(a)mmm.fi